

Enformaziuns y Comunicaziuns

La Crusc: En dedemesaledema ai 29 de jügn, festa de San Pire y San Paul, él ales 7:30 la prozesciun da San Linert sö La Crusc. Lassö él ales 9:30 la Santa Mëssa y spo les Ores d'adoraziun por vocaziuns. Dales 10:00 ales 11:00 él chi de Badia co fistidiëia, dales 11:00 ales 12:00 chi da Corvara/Colfosch. Ales 12:00 él benedisciun y conclujun. **Sambën é döttes les ploanies enviades da tó pert.**

Preparaziun dal Bato: La Uniun dles Ères dal Decanat enviëia geniturs co á en viadú da bacé, toc y totes, ala preparaziun dal Bato, **en sabeda ai 9 de messé dales 15:00 ales 17:00, te salff de calogna a Corvara.** Dedô sarál en picio renfrësch, arjigné ca dla Uniun dles Ères da Colfosch. Prenotaziuns al 328 0717796.

KVV Senioreclub: En dedemesaledema ai 29 de jügn pëiun ia dal Cone demez con le bus dles 10:33, por jí cina tai Tamersc. Enló jarán spo a pé ta Pederü.


Crusc Blanca: La Crusc Blanca seziun Mareo enviëia düc i enterescês da gní en vëndres ai 1. de messé ales 20:00 te salff dla Cassa Raiffeisen d'Al Plan. Al gnará tigní na sëra d'enformaziun sön le laür dai voluntars pla Crusc Blanca, te vigne setur. La Crusc Blanca ess plajëi da s'odëi trec y enviëia da se tó para en compagn o na compagna, y se fá en ponsier da gní voluntars.

La Dlijia, en post olache t'es dagnora bëngnü:da

Ci é pa por Te le Daciasa? Na bela definiziun ti á dé le ciantatur todësch Reinhard Mey: „Daciasa é dagnora, olache i cialfun amisc. Daciasa é enló, olache zacai t'aspeta!“ O dit atramonter: Daciasa é, olache t'es bëngnüda y bëngnü.

Ince la Dlijia ô ester por nos en toch de cösc Daciasa, en post olache i podun vire la comunité. Te païsc n'él ince en gröm d'atri: vijinanzes, grups, uniuns, compaignies y e.e.. Y le Daciasa plü emportant sará bën nüsc cater mürs, anfat sce i viun enló susc, de dui o te na familia.

Empó valel por düc l'envit da storjé pro bindicé ince te nosc Daciasa deboriada, te dlijia. Tló ne cialfunse nia mâ comunité con d'atres porsones, mo ince comunité con Chël Bel Dio. Al n'é nia en „club esclusif“, mo en post por düc, en post olache i podun sté adöm pla Santa Mëssa y ples funziuns, o en post olache i podun storje pro da susc por sté tal chît. A vigne moda: i sun dagnora bëngnü. (Image)



Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: klsottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann C

19.06.2022 - Festa dal Sacher Cör de Gejú
Prozesciun Eucaristica

nr. 31

Ligrëza por vignönn co dá ota y vá adencuntra a Dio

Dal Vagnele dô San Luca 15, 3 - 7

Te chël tomp ³ti á Gejú cunté ai farisês y ai stüdiês dla lege na parabola y á dit: ⁴Sce önn de os á cion' biesces y nen perd öna, ne lascel nia les nönantenö tla stëpa y ti vá dô ala pordüda cina ch'al la ciafa? ⁵Y canch'al l'á ciafada, la tolel plën de ligrëza sön söes sciabes, ⁶y canch'al röa a ciasa, chërdel adöm sù amisc y sù ijins y ti dij: Ralegresse con me; i á endô cialfé mia biescia co ea pordüda. ⁷I ves diji: Ensciö regnarál ince tal cí deplü ligrëza por önn en piciadú su co dá ota, co por nönantenö iüsc, co n'á nia debojügn da dé ota.



Parora dal Signur. Lalt a te, Gejú Crist!

Forma nosc cör, aladô de Töa orenté

Santiscimo Cör de Gejú! Fontana de döt le bën!
I te präii! I creii en Te, i speri en Te, i T'ô bun.
Dan da Te mëti mi talënc y mies mancianzes.
A Te te scinchi mio picio cör...
emplëscle de umilté, pazionza y purëza
y formele aladô de Töa orenté.
Fá, o bun Gejú, che iu viri te Te y Tö te me.
Scinchemo proteziun canche i röii tal prigo,
consolaziun canche i sun en dificolté o tal dolor,
Conzedemo la sanité dal corp y dal'anima,
Töa benedisciun por mi ponsiers,
parores operes y dezijiuns.
Daür mio cör, por che le Spirit Sant pói operé te me
y che Tö, Gejú misericordius, pói crësce te me.
Che mio cör te sorvësci, che al sorvësci la vita
y che al pói daidé arjigné ca le tru
canche te gnaras endô sön cösc monn
desco re dla pêsc. Amen.



Edema liturgica dai 26.06. ai 03.07.2022		
DOM 26. 08:30 10:00	GRAN FESTA DAL CÖR DE GEJÚ <i>s.m. a La Pli</i> gran mëssa con prozesciun por dōta la comunité <i>oferta "Obolo de San Pire"</i> +nc' Celeste y Bruno Della Gaspera +nta Emma Maneschg - +nt Josef Kosta +nta Angela Miribung Erlacher +nt Sergio Miano, Genziana - +nc' Castlunger Emilio y Ottilia	<i>Vigile da Tront, Jan y Paul</i> LAD
Lön 27. 18:00	<i>Hemma da Gurk, Ziril d'Alessandria</i> s.m. dal ann por +nt Franz Kanetscheider dal ann por +nt Peter Rindler dal ann por +nt Franz Feichter Valciapa +nc' Hans Erlacher y Hubert Alton	DEU
Ded 28. 19:30	<i>Ireneus, Ekehard</i> corona	
Dem 29.	GRAN FESTA DAI APOSTUI SAN PIRE Y SAN PAUL , "Gran San Pire", Vijita personala te dlijia y cortina	
Jöb 30.	<i>I pröms martirs da Roma, Otto, Alfred, Ernst - de d'oraziun do vocaziuns</i> Vijita personala te dlijia y cortina	
Ven 01. 07:30 15:00	pröm vëndres - Otto, Teoderich, Dietrich s.m. +nta Antonia Lanz Miribung por families Trebo Cone da Val tomês te vera tla Ucraina y Russia – por les Püres Animes corona	LAD
Sab 02. 17:30 18:00	fešta dla vijita de Santa Maria a Elisabeta , Eugenia corona s.m. prefestia dal ann por +nt Franz Obojes +nta Gisela Federa - +nt Markus Videsott +nc' Ferdigg Franz y Frenademetz Paolo +nt Eduard Ties	ITA
DOM 03. 08:30 9:30 10:00	14. domëgna ia por l'ann <i>s.m. a La Pli</i> corona gran mëssa por dōta la ploania <i>oferta por la ploania</i> +nc' Kehrer Matio y Maria - +nc' Complojer Lejio y Maria rengraziamont por 50 agn de matrimone de Valentini Konrad y Maria rengraziamont por familia Janpaul y Lisa Clara	<i>Tomesc apostul, Günther</i> LAD

Die Funktion des Gebetes besteht nicht darin, Gott zu beeinflussen, sondern die Natur des Betenden zu verändern.


Søren Kierkegaard

Devoziun al Cör De Gejú

I te laldun, Gejú Crist, tò nes ás dé la vita divina, ciodiche t'ás orü nes lascé tò pert ales grazies de to cör.
Laldun le cör de Gejú: da d'él édl gnü la salvëza!
Glorificun la flama dal amur de Dio co verd tal cör de Gejú; ara é desco en fü co purifichëia y lomina.
Laldun le cör de Gejú: da d'él édl gnü la salvëza!
Aprijun l'amur dal cör sant de nosc Redentur, co é plö sterch co la mort y co ne se destöda nia por le frëit y le sënn dla jont.
Laldun le cör de Gejú: da d'él édl gnü la salvëza!
I te laldun Gejú Crist, che t'es gnü sön cōsta tera por empié le fü dal amur de Dio. Cōsc fü oste tö co verdes. Tö ás bacé con Spirit Sant y con fü.
Laldun le cör de Gejú: da d'él édl gnü la salvëza!
I t'adorun, Gejú Crist, ciodiche sön cōsc monn áste orü bun ai tü cina ala fin.
Da to cör, ferí y davert söla crusc, rogorel piuns de grazies sora la jont.
Laldun le cör de Gejú: da d'él édl gnü la salvëza!
I te rengraziun, Gejú Crist, por les parores santes, che te nes ás dit y con chères che te s'ás mostré l'amur de to cör: "Gnide da me os düc, ch'i sëis stanc y ëis crusc da porté; iu ó se dé confort."
Laldun le cör de Gejú: da d'él édl gnü la salvëza!
I te dijun iolan, Gejú Crist, por l'amur infiní de tö cör co t'á condüt sön l'alté dal Calvare a despaie nüsc picés.
Laldun le cör de Gejú: da d'él édl gnü la salvëza! (SYN)

Salm 103

Le Signur é bun y gran tal amur.
Lalda le Signur, anima mia,
y döt ci che é te me, so sant ennom.
Lalda le Signur, anima mia,
y no te desmentié le bëgn che Èl t'á fat.
Èl te pordona düc i picés
y te varësc da dōtes les maratíes.
Èl salva töa vita dala mort eterna
y te dá na corona de grazia
y misericordia.
Le Signur fej opres de salvëza
y iustizia a chi co vir tal' afliziun.
A Mosé ti ál mostré sü trus,
ai fis d'Israel söes opres.
Bun y misericordius é le Signur,
pazient y plëgn de bonté.
Èl ne se trata nia do nüsc picés
y ne se la rét nia sc'i l'án ofenü.
Le Signur é bun y gran tal amur.



Sorvisc dai Ministronc

Lönesc 27/06 (18:00), Vëndres 01/07 (07:30): Barbara y Sophie Rungger Kuprian;
Sabeda 02/07 (18:00h): Lisa y Marco Alberti, Maja Complojer, Melanie Feichter, Pire Maneschg, Emma Mutschlechner, Elias y Silvia Obojes, Mattia Ploner, Jonas Rindler;
Domëgna 03/07 (10:00h): Lea y Oliver Bonato, Roman Kaneider, Antonio Mauro, Armin y Simon Trebo
N.B.: Düc i ministronc é entres begnodüs da gní a sorví, ince sce ai n'é nia scric sö!

